

«Ақтөбе облысы білім басқармасы Алға ауданының білім бөлімі» ММ
«Жұлдыз-ай» Тамды бөбекжай-балабақшасы МКҚК

Тақырыбы:
1-қыркүйек «Білім күні!»

Өткізген: Касымғалиева.М.О

2024 оқу жылы

Тақырыбы: ! 1-қыркүйек «Білім күні!»

Тәрбиеші: Қымбатты балалар! Қадірлі қонақтар! Бүгін бізде ерекше күн. Ол-білім күні. Ал білімнің бастауы ол-балабақша. Бүгін жаңа оқу жылы басталып, барлық мектептерде алғашқы қоңырау соғылып, өздеріндей бүлдіршіндер алғаш мектепке барды. Олай болса, салтанатты мерекемізді ҚР Гимнымен ашамыз.

Тәрбиеші: Биіктерге бастайтын асқаралы

Әр жүректің сүйікті, асқақ әні

Мерекеде бәріміз жан ұраным

Шырқайық Қазақстан Әнұранын!

ҚР Әнұраны

Тәрбиеші:

Қол ұстасып тұрайық

Үлкен шеңбер құрайық

Мерекені тойлайық

Қызық ойын ойнайық.

Ойын «Кәне, дос боламыз»

Бір, екі, үшке, оңға бұрыламыз,

Бір, екі, үш, дауыстап айтамыз

Кәне, дос боламыз! (қол беріп амандасады)

Бір, екі, үшке, солға бұрыламыз,

Бір, екі, үш, дауыстап айтамыз

Кәне, дос боламыз! (қол беріп амандасады)

Бір, екі, үш, дауыстап айтамыз

Кәне, дос боламыз! (Оң қолды оң жақтағы балаға, сол қолды сол жақтағы балаға береді)

Тәрбиеші: Жақсы, біз көңілді ойнадық, барлығымыз дос болдық. Бұл достық көп жылдар бойы берік болып қала берсін! Ал енді енді мерекемізді жалғастырайық.

Тәрбиеші:

Осы тұңғыш қоңыраудан бастап күнделікті оқу басталады. Балалар, жақсы, білімді, тәрбиелі азамат болу үшін, ерінбей оқу оқып, білім алу керек. Ол үшін сендер балабақшаға күнде келіп, сабақ оқып, тәрбие алу керексіңдер.

Балалар, біз ересек тобында оқу оқығанда біздің Қазақстан Республикасының рәміздері жайында білім алғанбыз, ендеше есімізге түсірейікші, біз қандай Қазақстан Республикасының рәміздерін білеміз.

(балалардың жауабын тыңдау)

Тәрбиеші: Дұрыс, әнұран, елтаңба, ту.

Балалар, айтыңдаршы, біз қай Республикада тұрамыз?

Балалар: Біз Қазақстан Республикасында тұрамыз.

Тәрбиеші: Дұрыс. Қазақстан Республикасының президенті кім?

Балалар:.

Тәрбиеші: Өте жақсы. Біздің Қазақстан Республикасының елордасы қай қалада?

Балалар: Қазақстан Республикасының елордасы Астана қаласы.

Тәрбиеші: Балалар, айтыңдаршы, біздің балабақшамыздың аты қалай?

Балалар: « Жұлдыз-ай» балабақшасы.

Тәрбиеші: Өте жақсы балалар. Сендер өздеріннің Республикаларын, рәміздер жайында, елорда жайында барлығын білесіңдер. Міне, осындай тату тәтті, бақытты

мелекетте біз өмір сүріп жатырмыз. Ендеше біз бүгінгі мерекеге арналған өлең тақпақтарымызбен сабағымызды жалғастырайық .

Нұрали:

Бақытты балғын баламыз

Өсті міне санамыз

Әріп танып сабақ оқып,

Білім нәрін аламыз

Айлин:

Балабақша есігін

Үшке тола ашқанбыз

Балапандай мәпелеп

Өсіруде бақшамыз.

Нүркелді:

Қиындықтан өтуге

Армандарға жетуге

Білім алам ерінбей

Еліме қызмет етуге

Аңсар:

Өсті міне бойымыз,

Өсті міне ойымыз.

Қуанышқа ортақпыз,

Құтты болсын тойымыз.

Білім керек бәріне

Әлинур:

Білім керек бәріне,

Балалардың бәріне.

Білімі болмаса егер де,

Жолы болмас өмірде.

Еламан:

Білім керек әрқашан,

Өмір бой бәріне.

Сондықтан да балалар,

Білім алайық бәріміз.

Соның үшін балалар,

Білім керек бәріне.

«Айголек» тобының орындауында Ән «Үйретеді» жарайсындар балалар!

Ойын:Ғажайып қоржын

Мақсаты:ғажайып қоржынның ішінен бірнеше заттар ойыншықтар,оқу құралдары бар.Сол заттардың ішінен оқу құралдарының бірі бөлек,ойыншықтарды бір бөлек жинап алу керек.(балалар оқу құралдары мен ойыншықтарды ажыратып,бөлек жинайды)

III. Қорытынды бөлім.

Шырылдаған тыным алмай

Қоңыраудың үні қандай!

Мақсатына жете ме адам

Оқу оқып, білім алмай?!

Ғылымның көп тас қамалы

Ғалымдық та асқаралы
Бар білімнің нұр бастауы —
Балабақшадан басталады!

Тәрбиеші: Міне, балалар, осы күннен бастап бізде күнделікті ұйымдастырылған іс-әрекетіміз, қызықты да көп нәрсеге үйренетін күндеріміз басталды. Әрқашан бүгінгідей жақсы көңілмен, барлығын үйренеміз. Бүгінгі оқу қызметіне жақсы қатысқандарың үшін көп рахмет. Баршаңызды бүгінгі Білім күнімен және жаңа оқу жылының басталуымен шын жүректен құттықтаймын. Сіздерге бүгінгі ерекше, жайма шуақ күні жақсы көңіл күй, жаңа жетістіктер мен ұдайы ізденіс, шығармашылық, мықты денсаулық және жаңа бастамаларда тек қана сәттілік тілеймін! Бүгінгі күн Сіздер үшін үлкен үміттер күні болсын!
Бүгінгі 1-ші қыркүйек – білім күніне арналған тәрбие сағатымыз аяқталды. Сау болыңыздар!!!

